



IANI
SPERANTIS
STRENA

CALENDIS JANVARIII

Anno Dom. 1617.

Authore Joanne Leochæo Celurcano Scoto.



EDINBURGI

Excudebat THOMAS FINLASON TYPO-
graphus R. M. ann^o Dom. 1617.

*Cernis ut impavidâ sulcet maria alta carinâ,
Et ferat Æolias SPES animosa minas.*



45

30

144

Printed by
JOHN THOMAS FINELSON TYTO
Goughs R. M. and Dons. 1617.



VIRO CLA-
RISSIMO D. THO-
MÆ HOPÆO F. C. IN
SUPREMO SCOTORVM SENATU

*Patrōno, Domino suo perpetua ob-
servantiā coli dignissimo.*



ITAM HANCCE NO-
stram, & incertas rerum vicis-
situdines, dum penitius intueor
[*vir clarissime*] sæpiusculè non
leviter admirari soleo, ut læta
seriis, & seria lætis intermisce-
antur; nec unquam SPES sine metu, aut metus
sine SPE, libero fruatur imperio. Pauci tamen
reapse in ista descendere & devolvi; multi adver-
sâ rerum ingruente tempestate dum ut ille

furit ventis, sævitq; tridenti

Spumens, atq; imo Nereus ciet aquora fundo,
diem, horam, momenta, damnare: in quibus se
fida obstetrix ex uteri cavis penetralibus in lu-

cem produxerit. Horum ego fractis disiectisque
animulis, ac veluti pestilenti quodam despera-
tionis sydere afflatis, alexipharmacum hoc opti-
mum tanquam *Alexicacus* aliquis *Apollo* offero;
SPEM hancce nostram intelligo, quæ tui nominis
septemplici defensa clypeo, quanvis sæpe vitiliti-
gatorum moribus impetita, & obviis *Momorum*
dentibus excepta fuerit: respirare tamen liberius
valebit. Neque vero ego hæc tanquam ab illis
aliquid imminentis mali persentiscam, absit o-
men: at

Hostibus eveniant convivia talia nostris.
sat enim scio, *Jovis* illas alites generosi nec de-
generis animi muscas non captare. Poterit igitur
impune SPES mea illorum ora prætervola-
re. Sed quia (ut ille)

Quicquid id est timeo Danaos,
si quid contra tu protege, tu obvalla: sub te mea
SPES, imo jam tua, vitam aliquam speret. Quod
si viva fortè in manus meas revolarit, tibi tan-
quam *Sospitatori Jovi* continuo ego aras. VALE.

T. observantissimus

JOANNES LEOCHAEVS.





S P E S

CALENDIS IANVARII

Ann° Dom. 1617.



Xere ab Eoo radiis prælustre coruscis
Sol pelago formose caput, tua iussa feroces
Quadrijugi am brosiâ sature, in præsepibus
altis

Expectât viden'ut cœlo jam *Phebe* micâtes

Lucifer extulerit solitò formosior ignes?

Præviaq; in roseis conjunx *Tithonia* bigis

Flectat equos, rutilaq; illustret lâpade cœlum?

Ut circumfusæ currant æqualibus *Hore*,

In spatiis? cur usq; adeo nova gaudia differs?

Quæ tantæ tibi causa moræ? tenuitne morantem

Flamma recens? aliove cales jam totus ab igne?

Nam neq; te implicitis *Clytie* formosa lacertis,

Detinet amplexum: nec te *Phaëtontia* mater

Ire vetat: nec quâ mage non tibi charior ulla

Leucothoe, roseis indulget basia labris.

Tolle moras, teq; ipse rotis stridentibus infer

Sublimem, sed io placitis dedit ora lupatis
Jam *Pyrois*, vitreiq; petens juga celsus olympi
Deseruit celeres iisdem de partibus *Euros*.

Lux optata diu, quâ nulla beatior astris
Lapsa mihi, reduces per te memorare Calendas
Et JANVM celebrare licet, dare dona quotannis
Aut ebur, aut dignum digitos quod stringeret aurum,
Quodve *Caledonios* qua *Dona* interfluit agros
Gemmifero versat gremio: mihi curta supellex
Qualē habuit quicūq; sacras *Permessidos* undas
Hausit *Hyantea* redimitus tempora lauri:
Vel juga *Tarnassi* *Phæbo* *Bromioq;* sacrata
Pressit, & in summo posuit vestigia *Pindo*,
Hoc prohibet *Tyrio* suffectas murice vestes
Mittere, vel quod ubi medius secat arva *Maragnon*
Fodit *Iber*; terræq; occulto e viscere profert
In curas miserorum hominum, nec-opinaq; fata
Non etenim hæc SPERARE licet, SPES ampla beatis,
In tenui SPES pauperibus, tibi (quod licet) ergo
Si non argenti, si SPES non divitis auri,
Quæ tamen argento; quæq; est præstantior auro
SPES ferimus. Tu quâ solitus (cultissime *HOPAE*)
Visere flexanimes post dura negotia *Musas*:
Nec mi aliâ jam fronte veni. Sic prospera *Pitho*
Concedat quæcunq; optes, sic *Gorgone* missâ
Pallas, & *Orchomeno* properantes fonte sorores
Sint faciles; tu tantum istos sepone labores,
Et paulum a curis animum furare severis.

Sed quid ego hæc ipsi fortasse ingrata resolvo
Quid moror? ecce vocat, tam fas SPERARE sub illo
Quam dubitare nefas; huc ergo navita cursus
Dirige, & ille auris implebit vela secundis.

SPES homini indivulsa comes, SPERARE licebit

Dum

Dum spirare licet, quanvis deprenderit hostis,
Intentetq; necem jugulo, *S P E S* una cruentos
'Spernit adhuc gladios, vitamq; in vulnere ponit.
Nil *D E S P E R A N D U M*, densus licet ingruat imber
Curarum, noxq; volent, pestesq; per auras,
S P E firmus tamen obdura. *S P E S* ultima sedit
In fundo: morbosq; animi, curasq; fugavit.
Foelices nimium placido quos viderit ore
Nascentes *S P E S* magna animi, *S P E S* nescia vinci!
Ter miseros queis non arriserit illa benigno
Lumine, nec durâ positos tellure levarit!
Non loca, longarum non intervalla dierum,
Non *Hadi* pluvieve *Hyades*, non triste *Lacena*
Sydus ubi a nautis nullo comitante videtur,
Obstiterit: cui nostra semel *S P E S* læta favebit.
Illa per æratas acies, densasq; phalanges
Sternere iter, coeloq; audet se credere aperto:
Multa licet rapidi torrens vicinia *Solis*
Candeat, aut *Scythica* glacialia frigora Brumę
Opponant gelidas animas: *S P E S* turbida *Neręi*
Æquora, & *Astraos* reſerato carcere fratres
Despicit inconcuſſa animo: ſtat ahenea cunctas
Et cœli perferre minas inſtructa, ſalique.
S P E S tibi cæratas aptavit *Dadale* pennas,
Perq; iter inſolitum *Cretais* vexit ab oris.
Æquora *S P E S* *Mynias* *Pagaſaâ* puppe ſecare
Suasit, & eripedem ſomno ſuperare draconem.
Unica *S P E S* *Danaas* perjura in *Pergama* gentes
Armavit, domuitq; *Italos* in bella feroces,
Messaſnamq; ſolo æquavit per bis duo luſtra
Annorum obſeſſam, *Capitoliaq;* alta locavit
Anſeribus ſat tuta ſuis, orbisq; paravit
Romano imperium, poſtquã altam *Sardanapalus*

Ascendit structo igne pyram; sceptrumq; *Dario*
 Eripis ô multis Juvenis defuncte periclis,
Pellea gentis decus, orbis terror *Eoi*,
 Quem *Babylon* solito vetuit superesse furori
Martis, & occiduos mundi meruisse triumphos.
 S P E S prædulce bonum si non deludat hiantes,
 Nec S P E S cassa malum. vigilantibus ingerit alta
 Somnia. sic dij cecinere oracula *Platonis*:
 Hinc metuunt, gaudentq; homines, cupiuntq; dolentq;
 Hinc diversa petunt, hinc nolle est velle futurum,
 Hinc nova S P E S pellit veterem, & S P E S prima secundâ
 S P E S stolidis non una, at mille induta figuras
 Plurima vanarum parit oblectamina rerum.
 S P E S nulli propria est, cunctis faver, omnibus una est:
 Omnibus exsolvit moerentia pectora curis,
 Respice quos carcer vexat, quos torrida febris,
 Respice sis Medicos, & Rhetoras atq; Poëtas,
 Respice juridicos, S P E S est tutela clientis;
 Respice quos dij studium laudabile verbi
 Oblectat, choreæq; vocant vel cantus in aulam:
 Non hæc sceptrigeros aversâ mente Tyrannos
 Non humiles linquit; nihil est *Iove* majus et illū
 Admovit sceptris, *Titanum* respice foedus,
Phlegraeumq; nefas, saturumq; a prole parentem,
 Dejectum imperio. *Siculo* nil vilius illo
 Qui figulo genitore satus, S P E R A R E triumphos
 Et caput aurato potuit redimire Tiarâ.
 S P E crudelis *Amor*, qui spicula torquet & ignes
 Regnat, & imperium totius vendicat orbis.
Omnia vincit Amor, S P E S uuum vincit Amorem;
 Tela puer, celeresq; nimis deprome sagittas:
 Inq; cor, atq; inas penitus mihi cōde medullas.
 Effice sydereæ duo dum radiantia frontis

Lumina contemplor, de quæis tua spicula vibras
 Durus, & uranimos accendis fortior ignes,
 Inq, genis niveo mistum candore ruborem,
 Æmulaq, ignivomo rubicunda labella Pyropo,
 Compactumq, latus, tum quæ datur indetueri,
 (Cætera Dij!) modicæ tantum vestigia plantæ,
 Pallidus ut sedeam; cupiamq; hinc virginis ire
 Totus in amplexus: foelices quos videt illa
 Quosq; audit dicam, sed foelicissima longè
 Basia ab humidulo pressim decerpta labello:
 At **S P E S** eventus, optataq; gaudia spondet,
 Basiaq; & miseri quod adhuc **SPERAMVS** amantes.
 Aurea **S P E S** quæ cuncta vigent, letantur, ovantq;
 Aurea **S P E S** quæ cuncta foves, solaris, alisq;,
 Aurea **S P E S** sine quæ nihil est quodcunq; videmus,
 Quam nunquam *Lybicâ* recubans sub rupe læna,
Tartarei velacus, quam nunquam barbara cautes,
 Nec mare quod gelidâ *Boreæ* percellitur aurâ,
 Sed rerum genuit meliorum blanda *Cupido*:
 Sed bona *Credulitas* mammis admovit alendam:
 Te modo sustulerit nobis *Natura* creatrix
 Ecquid erit placidi? sic blandæ gaudia vitæ
 Sic ibunt quæcunq; juvant, *Veneresq;*, *Iociq;*:
 Occidet & *Charitum* trias inseparanda sororum,
 Et lascivus *Amor*. Si **S P E S** reddatur amica,
 Blanda *Venus*, *Charitumq;*, trias *Risusq;*, *Iociq;*:
 Et ducet choreas posito puer aureus arcu.
 Sola docet **S P E S** delicias, blandosq; lepores,
 Sola jubet vigiles tristi cum murmure noctes
 Ire procul, densisq; *Erebi* se abscondere in umbris
S P E S quid inaccessum est? **S P E S** altum ascendit Olympum
 Cum *Thætonte* suo, **S P E S** se demersit in orcum
 Quum pius *Aeneas* sacrâ comitante *Sybillâ*,

Quum pro *Pirithoo* proles *Ægæia Theseus*,
Cerberon et nostras quondam qui misit in oras,
 Quiq; feras hominesq; lyrâ commoverat *Orpheus*,
Tartareas vidêre umbras atq; infera regna,
 S P E sine nec *Phæbum* *Cytharæ*, neq; plectra decebunt
Pieriâ de valle *Deas*, responsa filebunt
Delphica, nec sacro cortina remugiet antro.
 At simul optati S P E s parva affulserit auri,
 Se vel honos *Tyrio* sublimem ostenderit ostro,
 Degeneres nova cura animos, & inertia franget
 Corda labor, subitoq; animos rapiente calore
 Plectra dabunt numeros: cortina immugiet antris.
 S P E sine nec *Cereri* spicæ, neq; vina *Lyæo*
 Profuerint non *Ortygiæ* sua spicula *Divæ*,
 Non tibi *Phæbe* istæ quæis tu *Pythona* sagittæ
 Fixisti: non quæis *Niobes* numerosa propago
 Concidit ante oculos, charæ genetricis & ora:
Hellepontiaci non fuscina rubra *Priapi*
 Terruerit volucres; *Getici* non hasta *Gradivi*
 Pertunicam argenti squamis auriq; rigentem
 Ibit, et infestum defiget in ilia ferrum.
 S P E sine non *Siculo* nudi *Cyclopes* in antro
 Arma *Iovi* expedient, vastâ quæis mole *Typhæum*
 Subter anhelantem flammæ turbaverit *Ætnam*.
 Horrebit sine S P E nigrâ caligine mundus,
 Non anni *Solisq;* vices, inversa subibit
 Naturæ facies: Chaos insuperabile noctis
 Non poterit perferre diem: lux aurea *Phæbi*
 Semper erit: nec fusca gravi nox ingruet umbrâ:
 Nil natura retro faciet. Bruma una rigebit
 Perpetuâ glacie: si mitior aura *Favoni*
 Solverit astrictos hyemali frigore rivos
 Semper *Veris* honos: donec ferventior *Æst.*

Jam præmaturas veniens ardebit aristas ,
 Autumnus dehinc semper erit : sic pace solutâ
 In Chaos antiquum totus glomerabitur orbis .
 Livor iners *Stygis* genuit quem furva sub umbris
Tisiphone , discede procul : nec te obuius infer
 Limina in hæc , ubi *Speres* *Jani* bona verba *Calendis*
 Dicit , & e sacrâ neçtit mihi fronde corollam .
Speres ne etiam vesane paras lacerare maligno
 Dente ? quid & blandos audes invadere vultus
 Nec contentus in hoc dictis incessere diris
 Incipis ? & totum penitus differre per orbem ?
 Vade tamen , quaq; insanę vocat impetus iræ
 Has accende faces , quas ventilat ipsa *Megara* ,
 Quas tua *Tisiphone* , & *Furie* comitantur euntes .
 Quam non *Othrysi* potuit vis effera *Martis* ,
 Non coeli pelagiq; minę , non sternere magnus
Iupiter , immensum cum fulmine territat orbem ,
 Hancne tuæ vesane minæ , tuaq; impia dicta ,
 Hanc tibi *Thasiaco* quæ sunt infecta veneno
 Spicula terruerint ? minus est quod *Mome* laboras .
 Nanq; malam usq; licet rumpantur ut ilia clames ,
Speres non ulla mala est : quanvis *Eventus* , & illam
 Præcipiti nimis acta rotâ vota impia tardent ,
 Sæpe hominum illicitum sperantum & dira volentum
 Per fas perq; nefas . Cur tu incærare Deorum
 Genua paras ? tacitisq; miser contendere votis
 Ut male sit *Canto* , cui tu jam proximus hæres
 Diceris ? ut multos numeres de foenore nūmos
 Pulchrior in thalamum ut conjunx tibi currere possit ?
 Aut si non liceat , peccare impune parumper
 Fas sit ? an his justas supremi judicis aures
 Attentas precibus credis mansisse ? retracta
 Vota miser levibus feret ista *Favonius* alis

Discerpenda *Noto Boreæve* procacibus auris :
Obstabit *Zephyrus*. Quid *SPES* mentiris inanes
Usq; tibi? si *SPES* optes aliquando benignas
Digna prius cupias. *Thalamis Stenobæa* negatis
Prodidit illicitas *SPES*. *Cressa* puella docebit
Quid *SPERARE* nefas; & quæ nunc præpete pœnâ
Aëra per liquidum volitat *Nysæia* proles :
Et puer *Icario* qui fecit nomina ponto ,
Ambustusq; , *Pado Phaëton* demersus : ut inde
Illicitū haud *SPERES* sedet heic *Rhœnusia* vindex,
Exigat ut diro pœnas accincta flagello .
Hinc squalor maciesq; genas pallorq; serenas
Fædat, & indigno lachrymarum flumine inundat
Sydereos oculorum orbes, hinc mœsta jacensq;
SPES gemit & longo consumit tempora questu.
Siste gradum *Stilico* , *SPES* hæc tibi sera nocebit
Exemplum *Rufinus* erit. Siste æmula *Roma*
Syderibus *SPERARE* novos ex-inde triumphos ,
Nil tibi *Scipiada*, nil frons austera *Catonis*,
Nil *Decij* devota fero duo pectora *Marti* ,
Lenta manus *Fabij* , nil acris' dextra *Camilli*,
Nil *Marij* robur magni nil *Cæsaris* arma .
Instat summa dies , venit lachrymabilis hora
Imperij *Roma* alta tui , jam clauda senectus
Adspice *Sithontis* tibi signat tempora canis .
Cede Deo. Nec victa prius , depone superbos
Cum *SPES* animos, *SPES* en' *Getico* favet ista Tyrāno
Sat tibi sat *Latioq;* datum. Licet esse beato
Perpetuò nulli . Nihil immortalibus ævi
Diffusum spatiis nocti quod conscia *Phæbe*
Sub pedibus videt, ipse etiam quem suspicis æther
In cineres ruet, & magni cava machina mundi
Labetur, penitusq; omni de parte residet.

Tum mihi *Sper* : mea *CHRISTE* fave qui gaudia portas
Sper tuo *Sperata* gregi : reproboq; verendum
Iudicium & diras æterno in carcere poenas
Sper ubi non reditus. Sed quo *Dea* contrahe vela,
Littus ama , vel si ulterius *Sperare* licebit
Perge modo , assiduo semper comes esse labori
Sper animosa solet. Si vis *Sperare* triumphum
Ensem humeris apta , galeæq; insigne coruscæ
Fulgor , & adversum fidum fer pectus in hostem.
O labor invicte , O solis *Sper* ire parata
Magnanimis comes , ecquando vos militis ardor
Aut clamor strepitusve virum , clangorve tubarum
Terruerint ? non si subito totus ruat orbis,
Vobis illi animi vobis hi pectoris æstus
Conciderint. Vobis patrium repetivit Olympum
Alcides ducibus quamvis *Iunonis* acerba
Senferit imperia , & prædurum *Eurysthea* fatis
Expertus toties. Vobis autoribus olim
Troius Aeneas Phrygijs avectus ab oris
Et *Strophadas* , mediis & sparsas *Cycladas* vndis,
Et *Scyllam* canibus cinctam , rapidamq; *Charybdin*
Præterit sospes , *Tyrrhenosq;* æquore vectus
Contigit *Ausonia* securis navibus oras .
Sin de *Pieria* decerpere fronde corallam
Est animus , seditq; tuæ hæc sententiâ menti
Exul *Hyperboreis* nunquam rediturus ab oris
Turpis eat luxus . *Sper* hinc tibi celsior ibit
Per iuga *Parnassi* , perq; alti culmina *Pindi* ,
Celsus ubi aurato nitidos diademate crines
Cinget honor. laudumq; simul festiva caterva
Pierium tereti diducet pectine carmen .
Sper mihi tu hanc *Sper* vitæ hominū fidissima custos

Suffice

2. Suffice nunc; quem cura premit, quem noxia frangunt
Tædia, quem blandæ necat oblectatio *Musa*.
Heu quid erit? primos vobis *Pimpleides* annos
Et robur juvenile animi, & prædulce juventæ
Principium dedimus? vigiles scit *PANTHEA* noctes
PANTHEA curarum series non una mearum,
Et *Iocus*, & molles flectens *Erycina* jugales,
Et *Puer* inflexo qui numina territat arcu.
Quid superest Divæ? ripas jam fontis amati
Altaq; syderei linquenda cacumina *Pindi*.
Diversum poscor studium. Nil dulcia vatum
Plectra movent necserta juvant annexa capillis:
Tu nisi *SPES* longos consolatura dolores
Advenias. Sed victa gravi mens ægra dolore
Sume animos, aliquâ feret hæc mora longa salutē
Nō etenim celeri graditur pede *SPES* bona sæper
Sæpe jacet durâ velut intercisa bipenni,
Sæpe moras neçtit. Sed *DESPERATIO* crescit
Quū nimiū tarda est. Laqueum *Rhodopæia* *Phyllis*
Sumpsit fracta moris, *Ithaci* sed provida conjunx
Aspexit reducem post bina decennia *Ulysem*.
Nos quoq; *SPEREMVS* quāvis mora tardior obstat.
SPES circumvolitat cornix fidissimus oscen,
Si male jam, bene erit qui rauco gutture clamet.
Nil Pater omnipotens eodem dedit ire tenore
Perpetuò, at varios orsus, variosq; regressus
Sumere mandavit: manet æternumq; manebit
Hæc rerum facies, nullo variabilis ævo.
Ipse sibi similis solus *DEVS*, usq; benignus,
Et facilis mitisq; suis: a quo omnis, & in quo
SPES sincera boni: sine quo *SPES* ipsa recedit,
Nec modò propositi sequitur vestigia voti.
Ergo tu sacris quem enutrivêre sub antris

*Ascræo de fonte Dæ, cui Delphica laurus
Crescit, & Aonia currunt subtilius undæ
SPES accende pias. SPERET terrestria vulgus
Gaudia, ATHOSPES HUMO coelum SPERABIS HOPÆE.*

Nunc satis immensi vectos per cæcula Ponti
Accipiat portus, portum ergo intremus, ubi aura
Mitior & certo navem alliget anchora morfu:
Vlterius ne si forsan tendamus inani
SPETUMIDI, hanc mediis SPES SPEM deponat in undis.

TRI-UNI DEO GLORIA.



JOANNI LEOCHAE O,

*Cal. Fan. SPEM suam ad U. C.
D. T. HOPÆUM mittenti.*

MUnus inane tuo mittis LEOCHAE patrono:
REM debes: non SPEM mittere caufidico.

*Sed vix te poteras mage dignum, aut gratius illi,
Si sortem expendas illius, ille tuam.*

SPES est ampla satis, sed RES angusta Poetis
At SPES caufidicis, RESq; benigna favet.

*Nec tu magna potes donare, nec optat HOPÆVS,
Tu quod habes donas, ille quod optat habet.*

David Michael SS. Theol. in Acad.
Andreanâ studiosus.



